

Na temelju Odluke o usvajanju Programa utroška sredstava sa kriterijima raspodjele sredstava "Kapitalni transfer drugim razinama vlasti i fondovima - učešće Vlade FBiH u sufinanciranju kantonalnih i lokalnih zajednica - zaštita nacionalnih spomenika", utvrđenog Proračunom Federacije Bosne i Hercegovine za 2025. godinu Federalnom ministarstvu prostornog uređenja, V.broj: 202/2025 od 25.02.2025. godine, („Službene novine Federacije BiH“, broj: 15/25) i Odluke o raspisivanju Javnog poziva Federalnog ministarstva prostornog uređenja broj: 04-11-6-100/25-7 od 03.03.2025. godine, Federalno ministarstvo prostornog uređenja, raspisuje:

JAVNI POZIV
za odabir korisnika Programa utroška sredstava sa
kriterijima raspodjele sredstava "Kapitalni transfer
drugim razinama vlasti i fondovima - učešće Vlade
FBiH u sufinanciranju kantonalnih i lokalnih
zajednica - zaštita nacionalnih spomenika"

I.
Predmet javnog poziva

Predmet Javnog poziva je prikupljanje programa — projekata za raspodjelu sredstava kapitalnog transfera, koji je osiguran iz sredstava Federalnog ministarstva prostornog uređenja, u razdjelu 23 ekonomski kod 6151 "Kapitalni transfer drugim razinama vlasti i fondovima - učešće Vlade FBiH u sufinanciranju kantonalnih i lokalnih zajednica - zaštita nacionalnih spomenika" Proračuna Federacije Bosne i Hercegovine za 2025. godinu ("Službene novine Federacije BiH", broj: 7/25).

Vlada Federacije Bosne i Hercegovine donijela je Odluku V.broj: 202/2025 od 25.02.2025. godine (u daljnjem tekstu: Odluka), o usvajanju Programa utroška sredstava sa kriterijima raspodjele sredstava "Kapitalni transfer drugim razinama vlasti i fondovima - učešće Vlade FBiH u sufinanciranju kantonalnih i lokalnih zajednica - zaštita nacionalnih spomenika", utvrđenog Proračunom Federacije Bosne i Hercegovine za 2025. godinu Federalnom ministarstvu prostornog uređenja (u daljnjem tekstu: Ministarstvo).

II.
Naziv programa, korisnici, ciljevi i kriteriji

Program utroška sredstava

Sredstva predviđena u Odluci o programu utroška sredstava "Kapitalni transfer drugim razinama vlasti i fondovima - učešće Vlade FBiH u sufinanciranju kantonalnih i lokalnih zajednica - zaštita nacionalnih spomenika" će se raspodijeliti, na način i prema kriterijima utvrđenim Odlukom, kao redovna sredstva za odabrane programe/projekte u maksimalnoj vrijednosti financiranja u iznosu do 150.000,00 KM po jednom programu/projektu, sukladno općim uvjetima sudjelovanja i posebnim kriterijima za raspodjelu utvrđenim navedenom Odlukom.

Pravo sudjelovanja na javnom pozivu ostvaruju:

- kantonalna i općinska/gradska tijela vlasti Federacije Bosne i Hercegovine, nadležne javne ustanove i vjerske zajednice-vlasnici nacionalnog spomenika, zaduženi za realiziranje programa/projekta.

Sredstva se mogu dodijeliti za obnovu i zaštitu nacionalnih spomenika javne namjene.

Ciljevi programa su:

Izrada projektne dokumentacije i izvođenje radova na zaštiti i očuvanju nacionalnih spomenika koji su odlukama Povjerenstva za zaštitu nacionalnih spomenika proglašena kao nacionalni spomenik Bosne i Hercegovine ili se nalaze na Privremenoj listi nacionalnih spomenika Bosne i Hercegovine.

Kriteriji za izbor programa su:

Opći uvjeti sudjelovanja koje podnositelji prijave trebaju zadovoljiti kako bi mogli konkurirati za dodjelu proračunskih sredstava su:

- 1) da se radi o nacionalnom spomeniku koji je Odlukom Komisije za zaštitu nacionalnih spomenika uspostavljenog prema Aneksu 8. Općeg okvirnog sporazuma za mir u Bosni i Hercegovini proglašen nacionalnim spomenikom Bosne i Hercegovine, ili se nalazi na Privremenoj listi nacionalnih spomenika,
- 2) upis u odgovarajući registar i/ili osnivačkim aktom određeno područje djelovanja koje je u skladu sa prioritetima za koje se dodjeljuju proračunska sredstva,
- 3) uredno ispunjavanje obveza iz svih prethodno sklopljenih ugovora o financiranju iz proračunskih sredstava, ukoliko je podnositelj prijave imao takve ranije sklopljene ugovore,
- 4) uredno ispunjavanje obveze plaćanja poreza i doprinosa,
- 5) opis programa sa ciljevima programa
- 6) predmjer i predračun radova za predloženi program/projekat,
- 7) popunjeni, potpisani i ovjereni obrasci za prijavu projekta

Posebni kriteriji za raspodjelu sredstava:

- 1) projektno tehnička dokumentacija,
- 2) proračun projekta sa razrađenim/specificiranim informacijama:
 - ukupan iznos finansijskih sredstava potreban za provođenje programa ili projekta;
 - iznos vlastitih sredstava koji će sam podnosilac prijave uložiti u provođenje programa ili projekta i/ili iznos koji se za provođenje očekuje ili koji je već dobiven od drugih davatelja proračunskih sredstava ili donatora (sufinanciranje);
 - usklađenost proračuna i iskazane strukture troškova sa opisom aktivnosti
- 3) regionalna zastupljenost u skladu sa zadnjim makroekonomskim pokazateljima razvijenosti po kantonima FBiH.

III.

Neophodna dokumentacija za sudjelovanje

Sredstva iz Javnog poziva po navedenim programima dodjeljuju se na osnovu prijave projekta/programa korisnika i potrebne dokumentacije.

Obrasci (1), (2) i (3) moraju biti čitko popunjeni, potpisani od odgovorne osobe i ovjereni, a dostupni su na web stranici Ministarstva (www.fmpu.gov.ba).

Prijava mora sadržavati:

- čitko popunjen, potpisan i ovjeren obrazac za prijavu projekta (obrazac 1)
- čitko popunjen, potpisan i ovjeren obrazac Izjave (obrazac 2)
- čitko popunjen, potpisan i ovjeren obrazac financijskog plana (obrazac 3)
- uvjerenje o poreznoj registraciji podnosioca prijave (ID broj i PDV broj ukoliko su PDV obveznici)
- uvjerenje da nemaju dospjelih a nepodmirenih obveza po osnovu poreza i doprinosa
- dokaz o vlasništvu ili pravu korišćenja zemljišta, objekta ili kompleksa (izvod iz katastra — katastarska čestica)
- dokaz da se radi o nacionalnom spomeniku ili da se nalazi na privremenoj listi
- opis projekta/programa sa ciljevima programa
- projektno-tehničku dokumentaciju sa troškovnikom
- ovjerenu izjavu podnosioca prijave o urednom ispunjavanju obveza iz svih prethodno sklopljenih ugovora sa Federalnim ministarstvom prostornog uređenja o financiranju iz proračunskih sredstava, ili ovjerenu izjavu da nije imao takve ranije sklopljene ugovore

Dokazi o osiguranju sredstava sufinanciranja koji se priznaju su: proračun općine/Grada/Kantona sa naznakom programa/projekta, okvirni proračun Općine/Grada/Kantona sa naznakom programa/projekta, izjava Općine/Grada/Kantona o spremnosti financiranja programa/projekta, potpisani ugovori ili Odluke partnera o sufinanciranju programa/projekta, kao i drugi dokazi o osiguranju sredstava iz vlastitih ili drugih izvora

Podnosioci uz prijavu mogu priložiti građevinsku dozvolu, urbanističku suglasnost, lokacijsku informaciju, ostala odobrenja potrebna za realiziranje programa/projekta izdana od nadležnih tijela (dostaviti najvišu razinu dokumentacije koju podnositelj zahtjeva posjeduje) kao i drugu dokumentaciju koja može poslužiti kao dokaz o ispunjavanju nekih od posebnih kriterija raspodjele sredstava.

Pojedini posebni kriteriji za raspodjelu sredstava će se vrijednovati na temelju podataka sadržanih u projektno tehničkoj dokumentaciji i na temelju potpisanih i ovjerenih izjava iz posebnih kriterija za raspodjelu sredstava.

Podnositelj prijave odgovara za vjerodostojnost svih podataka unesenih u vlastoručno potpisane i ovjerene izjave.

IV.

Selekcija i ocjenjivanje prijava

Nadležna služba Ministarstva će, u kontinuitetu kako pristižu, vršiti evidentiranje svih pristiglih prijava te će nakon isteka roka za prijavu provjeriti i utvrditi blagovremenost istih. Nakon toga će se provjeriti ispunjavaju li prijave propisane opće uvjete sudjelovanja koje podnosioci prijave trebaju zadovoljiti kako bi mogli konkurirati za dodjelu proračunskih sredstava, nakon čega će se donijeti odluka o tome koje su prijave zadovoljile propisane opće uvjete a koje prijave nisu zadovoljile te uvjete.

Vrijednovanje i rangiranje prijava pristiglih na Javni poziv vršit će nadležno Povjerenstvo za ocjenu zaprimljenih prijava, sukladno utvrđenim Procedurama za izbor korisnika i posebnim kriterijima za raspodjelu sredstava. Nakon provedenih procedura i izvršenog ocjenjivanja, Povjerenstvo će sačiniti preliminarnu rang listu potencijalnih korisnika, na koju podnosioci prijave mogu uložiti žalbu Povjerenstvu za rješavanje prigovora koje u tu svrhu imenuje Federalni ministar prostornog uređenja, u roku od osam dana od dana objave preliminarne rang liste na službenoj web stranici ministarstva. Nakon žalbenog postupka utvrdit će se konačna rang lista koja će se objaviti na službenoj web stranici ministarstva.

Povjerenstvo će nakon toga dostaviti prijedlog za odobravanje proračunskih sredstava s obrazloženom ocjenom i mišljenjem Federalnom ministru prostornog uređenja koji donosi konačnu Odluku o korisnicima sredstava.

Prije donošenja konačne odluke o odabiru Ministarstvo zadržava pravo od aplikanta zatražiti dodatna pojašnjenja projekta, kao i pravo odbijanja pristiglih projekata bez posebnog obrazloženja.

Rezultati Javnog poziva o izboru korisnika sredstava bit će objavljeni na službenoj web stranici Ministarstva (www.fmpu.gov.ba).

Sa odabranim korisnicima zaključit će se ugovor o međusobnim pravima i obvezama u realizaciji projekta koji se financira te praćenju namjenskog korištenja dobivenih sredstava.

V. Opće odredbe

Obrasci za prijavu po ovom Javnom pozivu mogu se preuzeti na službenoj web stranici Ministarstva (www.fmpu.gov.ba).

Prijavu sa potrebnom dokumentacijom dostaviti u zatvorenoj koverti osobno na protokol Ministarstva ili preporučeno poštom na adresu "Federalno ministarstvo prostornog uređenja, Hamdije Čemerlića br. 2, 71000 Sarajevo" sa naznakom:

„NE OTVARATI - PRIJAVA NA JAVNI POZIV ZA ODABIR KORISNIKA SREDSTAVA "KAPITALNI TRANSFER DRUGIM RAZINAMA VLASTI I FONDOVIMA - UČEŠĆE VLADE FBiH U SUFINANCIRANJU KANTONALNIH I LOKALNIH ZAJEDNICA-ZAŠTITA NACIONALNIH SPOMENIKA „

Na poleđini koverta obavezno navesti naziv, adresu i kontakt telefon podnosioca prijave, ovjereno pečatom. U koverti može biti samo jedan projekat, a ako ima više projekata u jednoj koverti aplikacija se odbacuje.

Neuredne, neblagovremene i nepotpune prijave neće biti razmatrane.

Da bi aplikant ušao u konkurenciju za odabir na Javnom pozivu mora ispuniti pravno-formalne uvjete.

Svi dokumenti koji se predaju uz obrazac prijave projekta kao dokaz o ispunjavanju općih uvjeta sudjelovanja iz ovog poziva, moraju biti originali ili ovjerene kopije, ne starije od tri mjeseca.

Dokumenti koji se šalju na Javni poziv ne vraćaju se aplikantu.

Pravo sudjelovanja na Javnom pozivu ostvaruju aplikanti sa područja Federacije BiH.

Javni poziv objavljuje se na službenoj web stranici Ministarstva (www.fmpu.gov.ba) i jednom dnevnom listu velikog tiraža.

Krajnji rok za podnošenje prijave je 25.03.2025 godine.

Sve dodatne informacije vezane za javni poziv, mogu se dobiti svakim radnim danom putem telefona 033/726 522.

Broj: 04-11-6-100/25-8
Sarajevo, 04.03.2025. godine

